

BOSNA I HERCEGOVINA  
FEDERACIJA BOSNE I HERCEGOVINE  
HERCEGOVAČKO-NERETVANSKI KANTON  
**GRAD MOSTAR**  
**GRADONAČELNIK**

Broj: 02-11- 8904/24  
Mostar, 13.05.2024.god.

Na osnovu člana 43. Statuta Grada Mostara («Gradski službeni glasnik Grada Mostara», broj: 4/2004 i «Službeni glasnik Grada Mostara», broj: 8/2009 i 15/2010) i Odluke o načinu odabira projekta nevladinih organizacija po LOD metodologiji («Službeni glasnik Grada Mostara», broj:23/21), Gradonačelnik Grada Mostara, raspisuje

### **POZIV NEVLADINE ORGANIZACIJAMA NA JAVNU RASPRAVU**

Pozivaju se nevladine organizacije sa područja Grada Mostara da prisustvuju Javnoj raspravi odabira prioriternih oblasti Javnog poziva za finansiranje projekata iz Budžeta Grada Mostara za 2024. godinu.

Javna rasprava će se održati u velikoj sali Odjela za društvene djelatnosti Grada Mostara, u četvrtak 16.5.2024. godine, sa početkom u 10:00 sati na adresi Kralja Tvrtka bb (Đački dom) sa sljedećim tačkama *dnevnog reda*:

- Informacije o Javnom pozivu,
- Diskusija prijedloga oblasti predstojećeg Javnog poziva za 2024. godinu,
- Tekuća pitanja o predloženim prioriternim oblastima, kako slijede:

#### **1. MLADI**

- 1.1. Podrška unapređenju zdravih stilova života i aktivnosti za kvalitetno provođenje slobodnog vremena;
- 1.2. Unapređenje položaja mladih – kroz organizovanje obuka/treninga/radionica u cilju promocije volonterizma, društveno korisnog i timskog rada;
- 1.3. Projekti koji podstiču omladinski aktivizam i odgovaraju na potrebe mladih, nudeći nove i inovativne sadržaje za mlade;
- 1.4. Prednosti i nedostaci društvenih mreža kao i njihov uticaj na mlade i prevencija cyber i ostalih vrsta nasilja među mladima i na mlade;
- 1.5. Projekti koji podstiču kreativno stvaralaštvo mladih;
- 1.6. Prevencija ovisnosti među djecom i mladima, promocija zdravih stilova života reproduktivnog zdravlja;

#### **2. NEFORMALNO OBRAZOVANJE I EDUKACIJA**

- 2.1. Rad sa djecom i mladima s ciljem razvoja talenata, podrška u razvoju savremenih tehnologija, robotike, programiranja;
- 2.2. Projekti koji uključuju osnaživanje mladih za aktivnosti vršnjačkog podučavanja ili Solidarnosti prema mladima koji nemaju jednake uslove za lični razvoj (razvoj volonterizma u oblasti neformalnog obrazovanja);
- 2.3. Edukacija roditelja i djece osnovnih škola o prevenciji virtualnog- cyber nasilja;
- 2.4. Prevencija ovisnosti kod djece i mladih školskog uzrasta (kocka, nargila, video igrice, virtualna ovisnost);
- 2.5. Osiguravanje stručne pomoći i podrške djeci i mladima u riziku od neželjenog ponašanja, kao i unapređenje mentalnog zdravlja djece i mladih;

- 2.6. Podsticanje intelektualnih i drugih sposobnosti u skladu sa individualnim potrebama i interesovanjima djece i mladih;
- 2.7. Podrška projektima poboljšanja inkluzivnog odgoja i obrazovanja djece i mladih sa teškoćama u razvoju i važnost rane intervencije;
- 2.8. Informisanje/educiranje roditelja djece romske nacionalnosti o obavezi i potrebi uključivanja djece u odgojno obrazovni sistem.

### **3. DRUŠTVENA KOHEZIJA**

- 3.1. Projekti koji promoviraju zdrave stilove života i doprinose podizanju svijesti o značaju brige o zdravlju;
- 3.2. Projekti koji doprinose podizanju svijesti o zaštiti potrošača;
- 3.3. Projekti koji poboljšavaju život osoba sa invaliditetom;
- 3.4. Projekti koji doprinose potpori žrtvama nasilja u obitelji;
- 3.5. Unapređenje položaja građana i građanki kroz organiziranje obuka/treninga/radionica u cilju njihovog ekonomskog osnaživanja;
- 3.6. Projekti usmjereni na poboljšanje svakodnevnice osoba treće životne dobi kroz organizaciju edukativnih događaja, radionica, druženja i sličnih aktivnosti;
- 3.7. Projekti koji doprinose potpori marginaliziranim skupinama;
- 3.8. Pružanje psihosocijalne pomoći obiteljima osoba s invaliditetom;

### **4. ZAŠTITA OKOLIŠA**

- 4.1. Zaštita životne okoline i podizanje ekološke svijesti kroz edukaciju i aktivizam;
- 4.2. Uključivanje djece i mladih u aktivnosti zaštite okoliša i sadnje gradskog zelenila;
- 4.3. Upravljanje otpadom,- projekti koji promovišu smanjenje otpada, reciklažu ponovnu upotrebu i tretman otpada kako bi se smanjili negativni utjecaji na životnu sredinu;

### **5. RURALNI RAZVOJ**

- 5.1. Projekti koji podstiču unapređenje znanja i vještina stanovništva u ruralnim sredinama sa posebnim akcentom na poljoprivredu;
- 5.2. Projekti koji rade na unapređenju sposobnosti mladih za istraživanje, razvoj i inovacije;
- 5.3. Projekti koji podstiču unapređenje turizma i zdravih stilova života.

Prijave za učešće na Javnoj raspravi, prijedloge i komentare možete dostaviti putem email adrese: [mladi.nvo@mostar.ba](mailto:mladi.nvo@mostar.ba).

Odgovori na upite će biti dostavljeni unutar dva radna dana od primanja upita.



**Dostaviti:**

- Sekretarijatu/Tajništvu Gradonačelnika,
- Odjelu za društvene djelatnosti,
- Službi za odgoj, obrazovanje, mlade i sport i
- A/a.